



RESOLUCIÓN

En data 08/04/2024 presentouse por parte do Técnico Municipal de Deportes a esta Tenencia de Alcaldía unha proposta de actividades que integrarán a oferta por parte deste servizo para a campaña de verán, dirixidas todas elas á infancia e xuventude de Oleiros.

Asemade, inclúe unha proposta de calendario e normativa reguladora da inscrición e adxudicación de prazas no programa de actividades de verán 2024.

Á vista de dita proposta, e en exercicio das facultades que foron delegadas a esta Tenencia de Alcaldía a través do Decreto de Alcaldía número 2023003281, de 21 de xuño de 2023,

RESOLVO:

Primeiro.- Aprobar o programa de Verán de 2024 do Servizo Municipal de Deportes, que incluírá as actividades que se relacionan a continuación:

PROGRAMA DE VERÁN DEPORTES

1.- Kaiak en Santa Cruz

Descrición: Orientada fundamentalmente ao aspecto recreativo, a través das actividades en kaiak de mar. A súa distribución será en cursos intensivos de 5 sesións cada un (10 horas). En cada curso ofertaranse 14 prazas. (Obrigatorio saber nadar)

Destinatarios/as: Para mozos/as nados/as entre 2010 e 2013.

Obxectivos:

- Aproveitar e gozar do tempo de lecer en contacto co medio natural.
- Aprender a realizar as manobras de control e seguridade na embarcación.
- Aproveitar os valores que transmite o deporte: desenvolvemento das capacidades físicas e motrices, disposición ao esforzo persoal e ás capacidades sociais, o traballo en equipo, a solidariedade e a tolerancia.
- Coñecer as normas fundamentais de seguridade sobre a piragua e prevención de riscos.
- Coñecer a praia de Santa Cruz e a súa contorna costeira, procurar a súa conservación e respecto.

Lugar de realización: Esta actividade realizarase nas instalacións náuticas da praia de Santa Cruz, situadas debaixo da pasarela de acceso ao castelo. <https://goo.gl/maps/uCaGhyN8KqPpLaQS9>

Temporalización: Nos meses de xullo e agosto, de luns a venres, en horario de 11:30 a 13:30 horas. Realizaranse un total de 7 quendas durante o verán nas instalacións náuticas da praia de Santa Cruz.

- 1ª quenda: do 24 ao 28 de xuño
- 2ª quenda: do 1 ao 5 de xullo



- 3ª quenda: do 8 ao 12 de xullo
- 4ª quenda: do 15 ao 19 de xullo
- 5ª quenda: do 29 de xullo ao 2 de agosto
- 6ª quenda: do 5 ao 9 de agosto
- 7ª quenda: do 19 ao 23 de agosto

2.- Surf en Bastiagueiro

Descrición: Cursos de iniciación ao surf de 10 horas cada un, de luns a venres de 12:00 a 14:00 h.

O Concello achegará o material necesario (táboas e traxes). En cada curso ofertaranse 18 prazas. **(Obrigatorio saber nadar).**

Destinatarios/as: Para mozos/as nados/as entre 2007 e 2011.

Obxectivos

- Destacar na práctica diaria o factor lúdico. A diversión debe ser prioritaria para crear afección e gusto pola actividade deportiva.
- Experimentar un xeito de mellorar as capacidades condicionais de forza, resistencia, coordinación, equilibrio e flexibilidade.
- Dar as ferramentas elementais para que ao remate do curso o alumnado adquira as nocións básicas do surf, así como o seu material e manexo.
- Coñecer a praia de Bastiagueiro (formación de olas, correntes...) normas de seguridade, riscos e precaucións.
- Educar na consecución de hábitos de conservación e respecto do medio ambiente.

Lugar de realización: Na casa de Surf da praia de Bastiagueiro.

Temporalización:

- 1ª quenda: do 24 ao 28 de xuño
- 2ª quenda: do 1 ao 5 de xullo
- 3ª quenda: do 8 ao 12 de xullo
- 4ª quenda: 29 de xullo ao 2 de agosto

3.- Parkour

Descrición: Cursos de 5 horas cada un, de luns a venres de 11:30 a 12:30 h.

Destinatarios/as: Para mozos/as nados/as entre 2007 e 2011.

Obxectivos

- Destacar na práctica diaria o factor lúdico. A diversión debe ser prioritaria para crear afección e gusto pola actividade deportiva.
- Fomentar a participación e o respecto cara aos demais.
- Recoñecer as posibilidades que ofrece o Parkour como forma de ocio activo e utilización responsable do entorno.





- Coñecer o parque de parkour de Bastiagueiro.
- Coñecer e utilizar as medidas de seguridade e de prevención de lesións durante a práctica do parkour.

Lugar de realización: dParque de parkour de Bastiagueiro

Temporalización:

- 1ª quenda: do 24 ao 28 de xuño
- 2ª quenda: do 1 ao 5 de xullo
- 3ª quenda: do 15 ao 19 de xullo
- 4ª quenda: do 5 ao 9 de agosto

4.- Calistenia

Descrición: Cursos de 5 horas cada un, de luns a venres de 13:00 a 14:00 h.

Destinatarios/as: Para mozos/as nados/as entre 2007 e 2011.

Obxectivos

- Destacar na práctica diaria o factor lúdico. A diversión debe ser prioritaria para crear afección e gusto pola actividade deportiva.
- Experimentar un xeito de mellorar as capacidades condicionais de forza, resistencia, coordinación, equilibrio e flexibilidade.
- Coñecer as distintas posibilidades de práctica no parque de calistenia co propio peso como autocarga
- Dar as ferramentas elementais para que ao remate do curso o alumnado adquira as nocións básicas do traballo de forza para poder ser autónomoa
- Educar na consecución de hábitos saudábeis.

Lugar de realización: dArea de Calistenia no Parque As Trece Rosas.

Temporalización:

- 1ª quenda: do 24 ao 28 de xuño
- 2ª quenda: do 1 ao 5 de xullo
- 3ª quenda: do 15 ao 19 de xullo
- 4ª quenda: do 5 ao 9 de agosto

5.- Campus Deporte

Descrición: As actividades incluídas nos campus deporte pretenden aproveitar a recreación deportiva como ferramenta na ocupación do tempo de lecer, así como descubrir e dar a coñecer actividades e instalacións con posibilidades de práctica dentro do noso concello e contorna. Cada campus durará unha semana e ofertará ata 30 prazas cada un. O horario habitual será de luns a venres, de 10:00 a 14:00 horas.



É obrigatorio saber nadar.

Lugar de realización: O punto de encontro será o pavillón polideportivo municipal de Bastiagueiro situado na rúa Uxío Novoneyra s/n, Bastiagueiro- Liáns (<https://goo.gl/maps/MVCu9qn9VffQuvak9>); desde alí, e segundo o programa diario, desprazarase ás persoas participantes en autobús ata o lugar da actividade.

Transporte: Realizarase un percorrido de autobús polo termo municipal de Oleiros para recoller os/as alumnos/as e deixalos posteriormente nas paradas agás no campus Encoro da Fervenza (nas xornadas con chegada de tarde o bus non fará o percorrido, a recollida será no pavillón). É obrigatorio especificar na inscrición, da maneira máis precisa posible, o lugar da parada que se solicita, tanto de ida como de volta nunha marquesina. O transporte conta con servizo de acompañante.

Temporalización:

- Campus Deporte 2016-2017 do 24 ao 28 de xuño
- Campus Deporte 2014-2015 do 1 ao 5 de xullo
- Campus Deporte 2014-2015 do 29 de xullo ao 2 de agosto
- Campus Deporte 2012-2013 do 15 ao 19 de xullo
- Campus Deporte 2012-2013 do 5 ao 9 agosto

6.- Campus Deporte Encoro da Fervenza

Descrición: Actividades multideportivas realizadas nas instalacións da empresa Naturmaz, no Concello de Mazaricos.

Este formato de actividades leva consigo 5 xornadas de convivencia a reximen de pensión completa no propio albergue das instalacións, desde onde se realizarán a maior parte das actividades multideportivas. A saber:

- ✓ Surf na Praia de Carnota (Ancoradoiro)
- ✓ Veladas nocturnas e xogos.
- ✓ Ruta de sendeirismo
- ✓ Paddle Surf nas augas do encoro
- ✓ Orientación deportiva, gran xogo de pista.
- ✓ Tirolina
- ✓ Ruta en kaiak nas augas do encoro
- ✓ Xogos de loita no tatami.
- ✓ Escalada en torre exterior
- ✓ Ruta en bicicleta
- ✓ Baño no encoro e xogos acuáticos

Temporalización:

- Campus Deporte Encoro da Fervenza 2010-2011 do 8 ao 12 de xullo
- Campus Deporte Encoro da Fervenza 2008-2009 do 19 ao 23 de agosto





Segundo.- Aprobar a seguinte normativa reguladora da inscrición e adxudicación de prazas no programa de actividades de verán 2024

O programa de verán abrangue un conxunto de actividades organizadas polos servizos de Cultura, Deportes, Educación e Xuventude para o tempo de lecer.

O procedemento de preinscrición, adxudicación de prazas, pagamento e inscrición axustarase ás normas que se detallan a continuación.

Toda a información relativa a este proceso publicarase na páxina web municipal (<https://www.oleiros.org/es/>).

I.- Requisitos das persoas participantes

En cada actividade defínense os rangos de idade que abrangue, e só poderá admitirse quen estea dentro do dito rango.

En certas actividades, polo seu contido, defínense requisitos especiais que cómpre cumprir inescusablemente (por exemplo, saber nadar etc.).

II.- Preinscrición

O procedemento de solicitude iníciase cunha preinscrición, que deberá realizarse de acordo coas seguintes condicións:

- ✚ A preinscrición telemática debe realizarse obrigatoriamente na web municipal www.oleiros.org, no catálogo de trámites da sede electrónica (non é necesario estar rexistrado/a). Buscar **actividades de verán** no buscador.
- ✚ Admitirse unha única solicitude por participante (**a nome e cos datos do neno ou nena** interesado/a) e nela poderán marcarse ata un máximo de 3 actividades, indicando a orde de preferencia. Na sede electrónica a orde de preferencia virá determinada pola orde de inscrición. É dicir, a actividade que se seleccione como primeira opción no despregable considerarase a primeira na orde de preferencia.
- ✚ As situacións de acollemento familiar, separación ou divorcio nas que os/as menores non consten como empadroados/as, deben ser comunicadas mediante correo electrónico **durante o período de preinscrición**.
- ✚ Se alguén presenta máis dunha solicitude co mesmo nome a través da sede electrónica darase como válida a última presentada.
- ✚ Quen pretenda acollerse a algunha bonificación (Servizos Sociais, familia numerosa...) deberá acreditar o seu dereito mediante a aportación dos documentos pertinentes no intre do pagamento.
- ✚ As persoas que se preinscriban deberán gardar o xustificante co número de referencia para poder localizar a súa solicitude en calquera momento.
- ✚ As listaxes de todas as persoas preinscristas publicarase na web municipal. En caso de advertir erros ou omisións, as persoas interesadas poderán comunicalo mediante un correo



electrónico enviado a afabrica@oleiros.org, ou ben telefonicamente no número 981 636 598, dentro do prazo que se sinale no anuncio.

- ✚ Nas listaxes publicadas cada solicitude levará asignado un número específico a efectos de sorteo.

III.- Adxudicación de prazas

- ✚ No caso de que o número de solicitantes dunha actividade sexa inferior ao de prazas convocadas, a adxudicación será directa e definitiva.
- ✚ Se houber máis solicitantes que prazas, resolverase mediante un sorteo público que se realizará no auditorio da Fábrica (rúa do Inglés 13, Perillo).
- ✚ Cando unha persoa resulte admitida nunha actividade e teña irmáns ou irmás solicitantes de praza na mesma actividade, e coa mesma orde de prioridade, estes últimos incorporaranse á lista de admitidos/as, sempre que o permitan as características propias de cada actividade.
- ✚ O sorteo efectuarase en función do número asignado a cada solicitude, determinando como admitidas as persoas que teñan o número que saia no sorteo e os sucesivos, ata encher o número de prazas da actividade.
- ✚ As listas de persoas admitidas serán publicadas na páxina web municipal. As solicitudes inicialmente sen praza pasarán a formar parte dunha lista de agarda, para o caso de renuncias ou vacantes posteriores.

IV.- Inscripción e pagamento

- ✚ No caso de estar admitido/a nunha actividade e non ter interese en formalizar a inscrición deberase notificar á maior brevidade posible por correo electrónico enviado a afabrica@oleiros.org.
- ✚ Para adxudicar a praza será necesario realizar o pagamento da actividade, dacordo coas instrucións ou a ligazón que se faciliten ás persoas admitidas mediante correo electrónico.
- ✚ Así mesmo haberá que formalizar a inscrición nos formularios que poña a disposición o Concello no momento da admisión.
- ✚ En caso de non presentar a documentación requirida en prazo, considerarase desistida da súa solicitude .

V.- Prazas vacantes

- ✚ Unha vez rematado o prazo de pagamento e inscrición, no caso de resultar prazas vacantes, farase un único chamamento ás persoas que se atopen en lista de agarda, ata cubrir o número de prazas vacantes, o que lles será comunicado mediante un correo electrónico, ofrecéndolles un novo prazo de pagamento
- ✚ Finalizado o dito proceso, no caso de quedar algunha praza vacante nalgunha das actividades, iniciarase un prazo de inscrición libre para persoas empadroadas e non empadroadas. Estas prazas adxudicaránse por rigorosa orde de entrada da solicitude.





VI.- Calendario de inscrición 2024

As datas estimativas para o proceso de inscrición devandito no ano 2024 serán as seguintes:

DATAS	TRÁMITE
Do 23 ao 30 de abril	Preinscrición telemática na sede electrónica, só para persoas empadroadas e un máximo de 3 actividades
Do 6 ao 8 de maio	Publicación de listas de preinscricións e achega de reclamacións a través do enderezo electrónico afabrica@oleiros.org
15 de maio	Sorteo público ás 12:00 horas no CC A Fábrica
20 de maio	Publicación de listas definitivas na web municipal
Do 27 ao 31 de maio	Pagamento e entrega de documentación
Do 5 ao 10 de xuño	Xestión de listas de agarda, pagamento e entrega de documentación
A partir do 13 de xuño	Publicación de vacantes e inscrición libre para persoas empadroadas e non empadroadas

- O Concello de Oleiros poderá modificar este calendario informando en todo caso destas modificacións a través da páxina web e redes sociais do Concello.
- O Concello de Oleiros poderá anular actividades nas que non se acadase un número suficiente de persoas participantes, ou en calquera momento en función das circunstancias excepcionais ou recomendacións sanitarias.

En Oleiros, asinado dixitalmente na data que figura na marxe pola Quinta Tenenta de Alcalde, delegada de Deportes, Formación e emprego, Turismo e Promoción Económica, e o/a Secretario/a accidental, que da fe. (Asinado aos efectos exclusivamente do artigo 3.2 do RD 128/2018 de 16 de marzo e o artigo 2.1 do Decreto 24/2018 do 15 de febreiro).

